

Savez udruženja boraca „Patriotske lige“ Bosne i Hercegovine
Sarajevo, Ul. Musala br. 5.
Tel: +38733/552-705; Mob: +387 61/700-302

S P E C I J A L N I B I L T E N



P O P I S S T A N O V N I Š T V A

RIJEČ PRED SJEDNIKA!

Dragi Bošnjaci u zemlji i dijaspori,

Patriotska liga BiH je prva bošnjačka organizacija koja je stala u odbranu svog naroda i svoje zemlje i ovim putem obraća vam se sa pozivom da date svoj doprinos u očuvanju tekovina naše krvave borbe za svoj narod i svoju zemlju.

Svojom krvlju platili smo preveliku cijenu da odbranimo svoj narod, da sačuvamo svoju



Avdo Hebib

Bosnu i Hercegovinu, a koju nam još uvijek dušmani pokušavaju urušiti i razbiti.

Mi, prvoborci odbrane svoje zemlje i svog naroda, stojimo i sada i stameno na branku naše domovine i garant smo naše budućnosti.

Predstojeći popis stanovništva u Bosni i Hercegovini, pored statističkih podataka ima prevashodno nacionalni značaj kojim će se potvrditi OPSTOJNOST, NEZAVISNOST i SUVERENITET nas BOŠNJAKA na ovim našim vjekovnim prostorima.

Potvrđivanjem ovih odrednica je nastavak borbe za naš narod i našu zemlju, a poziv na ovaj vid borbe upućuje vam „Patriotska liga“ BiH, koja vas je prva i pozvala u oružanu odbranu svoga naroda i svoje zemlje.

Od rezultata popisa stanovništva u velikoj mjeri zavisit će budućnost našeg naroda i naše zemlje.

Svaki naš Bošnjak – direktno će biti odgovoran za našu budućnost.

I u ovoj borbi mi moramo biti pobjednici i samo istinom potvrditi SVOJE BIĆE, SVOJU VJERU i SVOJ JEZIK.

Izdaja ovih postulata ne dolazi u obzir, jer izdaja ovih principa je izdaja samoga sebe. I kur'anski ajet upozorava vjernike da je izdaja – daleko najveći grijeh koji čovjek može počinuti, sa nesagledivim ličnim i opšte društvenim negativnim posljedicama.

Draga braćo i drage sestre koji ste prisilno raseljeni po cijelom svijetu, za vrijeme popisa stanovništva od 1. do 15. oktobra 2013. godine, dođite u svoju Bosnu i Hercegovinu, pa makar i jedan član vašeg domaćinstva, kako bi ste mogli učestvovati u popisu i na taj način dati svoj doprinos opstojnosti svog naroda i svoje zemlje Bosne i Hercegovine.

I zato, dragi naši građani, dragi naši zemljaci koji ste prisilno privremeno napustili svoju zemlju i svoj toprak, dajte svoj doprinos u očuvanju svoje zemlje, svog bića, svoje sadašnjosti i naše zajedničke budućnosti, i na popisu potvrdite svoje postojanje, svoju stamenost i svoju odlučnost u očuvanju svoga naroda i svoje zemlje.

I zato, na popisnom listu pod brojevima odgovorite:

24 - nacionalnost - BOŠNJAK,

25 - vjeroispovjest - ISLAM,

26 - maternji jezik - BOSANSKI.

Način popisa

Preko stranice, domaćinstva i stanovna u Bosni i Hercegovini vrši se svakodnevno od 1. do 15. oktobra 2013. godine u vremenu od 09:00 do 21:00 u prisustvu jednog jednog odraslog člana domaćinstva. Popis obavlja popisivač koji na temelju odnosa domaćinstva i strane. **Ukoliko u domaćinstvu zateknete najmanje jednu odraslu osobu, popisivač će obaviti popis svih članova tog domaćinstva.**

Posioci domaćinstva može dati podatke za sve članove domaćinstva bez obzira da li su u vrijeme popisa u BiH ili se nalaze na radu u inostranstvu. Ukoliko u stanu u trenutku dolaska budu maloljetna lica, starije osobe ili jednostavno ne bude nekoga kod kuće, popisivač će ostaviti pismeno obavještenje te se po potrebi vratiti u isto domaćinstvo.

Popisivač je tuđim predstavlja se, pokazati iskaznicu i uzvratiti odgovorit će popisu. Popisivač vrta informacije građani da su obavezni davati tačne i potpune podatke, ali i nadati se da se podaci prikupljeni za statističke svrhe, te da je zagarantovana tajnost podataka. **Popisivač na koji način ne smije uticati na odgovore koje daje osoba koja se popisuje,** a ukoliko se popisivač ne ponaša na ovaj način, građani može i treba prijaviti njegovu ponašanje Popisnoj komisiji lokalne samouprave.

Priklom popisa građani trebaju dati ime i prezime te jedinstveni matični broj – JMBG za sva lica koje se popisuju bez obzira da li su vrijeme popisa prisutni ili su van domaćinstva. Ukoliko građani ne zna li nema JMBG, onda može napisati samo datum rođenja. Ovo se odnosi i na strane državljanke kao i za lica koja su se iz različitih razloga nemaju JMBG.

Svi podaci na popisu daju se na osnovu izjave osobe koja se popisuje, odnosno popisivač ne smije tražiti bilo kakav dokument kojim bi popisivana osoba dokazivala svoj odgovor. Ovo se odnosi na JMBG građanima, ličnu kartu, prijavu prebivališta, pasoš, rodni list, izvod iz knjige državljanstva, ZK izvadak za kuću ili zemljište, te bilo koji drugi dokument kojim bi popisivana osoba eventualno trebala potvrditi svoj odgovor na neko od pitanja.

Svi popis jednog prosječnog domaćinstva od 4-6 članova traje oko 30 minuta, a ukoliko dviije ili više porodica žive u jednom domaćinstvu može trajati i duže. Popisivač će priklom popisa popuniti jednu popisnicu sa podacima za domaćinstvo, te za svakog od članova domaćinstva po jednu popisnicu za lica (npr. za domaćinstvo od 5 članova ukupno 6 popisnica).

Popisivač ima obaveznu da popise obnove popuni posebnom hemisferom oblikom koju je dobio uz popisni materijal i koja će sadržavati izvaje popisa 2013.

Na kraju popisa popisivač će dati građanima popisnice na vidj, provjeru vjerodostojnosti unesenih podataka, te popisa osobe koja je dala podatke.

Priklom popisa u građanima, domaćinstvima i stanovima, iz pojedinačnih popisnih krugova, prikonom obrade objednat će se na razni općine, zatim na razni popisnih područja, te na kraju na razni države. Svi građani koji u vrijeme popisa budu unutar svojih popisnih krugova, **(ovo uključuje sva lica prisutna u vrijeme Popisa, ali i lica koja su u vrijeme Popisa odsutna iz mjesta boravaka radi rada u inostranstvu ili BiH, školovanja, posjete parodiji itd., kraće od 12 mjeseci – za njih povratke daju nosioci domaćinstva) i na ovaj način budu odsutni u vrijeme popisa bit će objednani u ukupan broj stano stanovništva općine, odnosno u ukupan broj stanovništva države, te Bosne i Hercegovine.**

U cilju utvrzavanja popisa jednog domaćinstva, te davanja preciznih odgovora, građani prije popisa imaju mogućnost pogledati Popisnicu za lica (P-1) kao i Upitnik za domaćinstvo i stan (P-2) te odabrati moguće najasnije kod pojedinih pitanja.

Popisivač će biti objavljen u Službenim novinama Bosne i Hercegovine, te na Interneti stranici državne Agencije za statistiku (www.bhas.ba).

Popis građana koji se nalaze van domovine

Građani koji se nalaze van domovine mogu se popisati na tri načina:

- Osobe koje se u trenutku popisa nalaze van domovine - na radu, školovanju, na putu, itd., a dio su domaćinstava u BiH trebaju se popisati kao članovi tog domaćinstva koji se u trenutku Popisa nalaze van domovine. Popis ovih lica izvršiće nosioci domaćinstva koji je u vrijeme popisa u BiH. Na ovaj način popisani građani bit će dio stalno nastanjenog stanovništva Bosne i Hercegovine.

- Oni građani koji imaju imovinu u Bosni i Hercegovini a nisu dio nekog domaćinstva u BiH (poredica stradalila u ratu ili se svi članovi tog domaćinstva porodice nalaze u inostranstvu) te se privremeno nalaze u inostranstvu na radu i imaju namjeru dazive u domovini – trebaju doći u Bosnu i Hercegovinu u periodu provođenja Popisa i u saradnji sa Popisnom komisijom lokalne samouprave obaviti popis. Na ovaj način oni su dio stanovnika određene teritorijalne jedinice, odnosno stalno nastanjenog stanovništva Bosne i Hercegovine, a njihova imovina neće biti predmetom spekulacija na lokalnoj razini.

- U skladu sa članom 40. Zakona popisa građana koji žive u inostranstvu obaviti će se putem posebnog obrada koji će biti objavljen na Interneti stranici Agencije za statistiku. U skladu sa Zakonom na ovaj način popisani građani evidentirat će se u posebnom bazu podataka i neće biti dio stalno nastanjenog stanovništva Bosne i Hercegovine.

Ukoliko je razlog odsustva osobe rad u inostranstvu, a osoba tokom godine boravi u Bosni i Hercegovini izvesni vremenski period, te u konkretni ima se namjeru vratiti u uobičajeno mjesto stanovanja (npr. trenutni razlog boravaka u inostranstvu je nedostatak radnih mjesta u BiH ili različit ekonomsko-socijalni razlozi) tada priklom popisa treba navesti vrijeme odsustva imajući na umi kada su posljednji put bili u domovini. Odnosno, osoba koja se popisuje ili daje podatke za privremeno odsutnu osobu navodi isključivo broj mjeseci od zadnjeg boravka, te koliko će privremeno odsutna osoba biti van države do ponovnog dolaska.

Isključivo stalno nastanjeno stanovništvo Bosne i Hercegovine, zajedno sa njihovom imovinom, imat će svoje mjesto i ulogu u svim unutrašnjim bosanzaherzegovackim odnosima, bit će dio različitih statističkih analiza kako na razni općine, entiteta/Di tako i na razni države.

Primjer popisa lica koja su van domovine radi rada u inostranstvu i koji tokom godine borave u domovini izvesni vremenski period

Priklom davanja podataka za odsutnog člana domaćinstva, nosioci domaćinstva, na prvo pitanje odgovara odabrom općine *b) Član domaćinstva odsutan iz mjesta popisa zbog rada/škovanja ili boravka u drugom mjestu u BiH ili inostranstvu.* Nakon toga popisivač samostalno upisuje šifru razloga odsustva iz mjesta stanovanja (odsutna osoba je prilikom upisana u "Spisak osoba" domaćinstva i ukoliko je razlog odsustva osobe rad ili boravak u inostranstvu kod stitnog poslodavca ili na samostalnom radu – na pitanju 3. upisuje se šifra 05).

Naredno pitanje – pitanje 4. odnosi se na dužinu odsustva iz odsutno prisustva osobe u mjestu popisa. Ukoliko osoba na pitanje 4. odgovori da boravi u inostranstvu kraće od jedne godine (npr. 7 mjeseci), popisivač prelazi na pitanje 5. koje se odnosi na planiranu dužinu odsustva iz BiH. Ukoliko osoba u narednom periodu namjerava biti odsutna iz mjesta popisa kraće od godinu dana (npr. 4 mjeseca) do narednog dolaska/boravka u domovini popisivač će na pitanju 5. upisati narednem broj mjeseci. Ovakvo popisana osoba bit će ubrojana u stalno nastanjeno stanovništvo određene teritorije.

Slika dalje ogleđni prikaz popunjene Popisnice za lice koje je privremeno odsutno iz domovine radi rada u inostranstvu, ali je dio domaćinstva u BiH, te je period od zadnjeg boravka u domovini kraći od 12 mjeseci.

U skladu sa Zakonom isključivo osobe koje su odsutne iz uobičajenog mjesta stanovanja kraće od 12 mjeseci (pitanje 4), te ne namjeravaju biti odsutne iz mjesta boravka duže od 12 mjeseci (pitanje 5), bit će dio ukupnog broja stanovnika tog popisnog područja, odnosno u konkretni stalno nastanjenog stanovništva Bosne i Hercegovine.

1. Osoba koja se popisuje je

a) Član domaćinstva koj živi u mjestu popisa većinu dana u državi ili se odsutno sa namjerom da u BiH
 b) Član domaćinstva odsutna iz mjesta popisa zbog rada/škovanja ili boravka u drugom mjestu u BiH ili inostranstvu
 c) Privremeno prisutna u mjestu popisa kraće od godinu dana u inostranstvu ili boravka

2. Da li je osoba prisutna u mjestu popisa?

Da / Ne

3. Razlog odsustva iz mjesta popisa

3A. Razlog prisustva u mjestu popisa

4. Dužina odsustva / prisustva

Jedna godina i duže (svi godini) / kraće od jedne godine (broj mjeseci)

5. Koliko još osoba namjerava da bude odsutna/prisutna?

Jednu godinu i duže / kraće od jedne godine (broj mjeseci)

Mjesto stanovanja

Pitanje 2. / Pitanje 3A.

Pitanje 5. / Pitanje 5.

Pitanje 6. / Pitanje 5.

Kraće od jedne godine (broj mjeseci) / Pitanje 5.

Kraće od jedne godine (broj mjeseci) / Pitanje 5.

Kraće od jedne godine (broj mjeseci) / Pitanje 5.

PROGLAS PATRIOTSKE LIGE BiH



Od 1. do 15. oktobra pristupit će se realizaciji Zakona o popisu stanovništva, čiju je pripremu i postupak donošenja ne slučajno karakterizirala politicacija i isključivost posebno na pitanjima nacionalnog, vjerskog i jezičkog identiteta, što daje prostora ocjeni da i njegova operacionalizacija na terenu neće biti

imuna od pritisaka, obmana i deformiranja subjekata popisa tj. građana.

Historijski gledano i varijante mogućeg izjašnjavanja koje su bile namjenjene Bošnjacima daje prostora ocjeni da je i ovog puta moguća instrumentalizacija na fonu razbijanja bošnjačkog korpusa i pokušaja umanjenja istog kao krajnjeg faktora opstojnosti i perspektivnosti BiH.

I dok se pitanje popisa u većini evropskih zemalja mada značajno uglavnom svodi na tehničko, pitanje popisa u BiH dobija političke ali i druge konotacije što ponekad čini se, udaljava popis od njegove suštine i cilja, a to je jednostavno rečeno, formiranje baze planiranja ukupnog društvenog ekonomskog i svakog drugog razvoja po segmentima društvene organiziranosti.

BOŠNJACI

Cilj politizacije segmenta pitanja popisa kao nezamjenjivo važne aktivnosti državnog značaja, svodi se na upitnost manje više ukupnosti bošnjačkog identiteta sa svim elementima koji ga prate:

NACIONALNOST, VJERA, JEZIK itd. upravo naviknuti na stoljetnu negaciju Bošnjačkog identiteta i danas neke retrogradne snage u BiH i dalje pokušavaju minimizirati bošnjački faktor, utihnuti mu dušu nudeći razne oblike kvazi modernog,

kvazikulturnog, kvazigradanskog identiteta kao da Bošnjacima treba “reći” šta su, kao da oni to već vijekovima neznaju.

U tom kontekstu, a u povodu prestojećega popisa (1.-15. oktobra 2013. godine) PATRIOTSKA LIGA BOSNE I HERCEGOVINE upućuje:

PROGLAS

Bošnjacima u domovini i dijaspori

Prestojeći popis stanovništva u BiH kao prvi poslijeratni popis od posebne je važnosti za BiH i njene građane, i njenu budućnost zbog čega popisu treba pristupiti odgovorno i promišljeno.

BOŠNJACI

Pozivamo Vas da se neizostavno uključite u aktivnosti popisa stanovništva u Bosni i Hercegovini.

Popisu pristupite odgovorno, principijalno i decidno jasno odredite se **BOŠNJAČKI**.

U suprotnom doprinijet će te daljnjoj eroziji – raspadu bošnjačkog tkiva i rastakanju bošnjačkog identiteta i umanjenju uloge i značaja Bošnjaka na opstojnosti i budućnosti Bosne i Hercegovine.

BOŠNJACI

Historijsko određenje Bošnjaka, njegova autohtonost na ovim prostorima, njegov značaj na očuvanju opstanka BiH očuvanja tradicija zajedničkog višestoljetnog života naroda BiH, upućuju Bošnjake na posebnu odgovornost samog popisa. Odgovornost Bošnjaka proističe ne samo iz osjećanja vlastite pripadnosti već i iz osjećanja sudbinske odgovornosti za opstanak i prosperitet BiH kao države. O tome govore historijske činjenice – argumenti, i o tome govore stradanja Bošnjaka u proteklom stoljeću.

BOŠNJACI

Nikad nećemo i ne smijemo zaboraviti surovi atak i zločine počinjene nad Bošnjacima koji su se kao ciklična pojava javljali čim se stvore određene pretpostavke i okolnosti, a u cilju realizacije veliko-nacionalističkih projekata, a posebno srpskih.

Naravno idejne osnove takvih projekata nisu nestale i najednom one ožive i čekaju sljedeću moguću priliku.

Posljedice su poznate, sužavanje životnog prostora Bošnjaka, pljačkanja, paljenja, silovanja, ubijanja te konačno protjerivanja.

Ekonomsko uništavanje Bošnjaka kulturna i vjerska destrukcija, urbidicid i na kraju višekratni genocidi u dvadesetom stoljeću, a u Srebrenici, Prijedoru, Podrinju, Istočnoj Hercegovini i drugim mjestima, genocidnim zločinom planetarnih razmjera.

Kontinuitet, organizovanost i sistematičnost ataka na BiH i Bošnjake imao je za cilj eliminaciju Bošnjačkog faktora na ovim prostorima.

BOŠNJACI

Ideolozi balkanske pameti ovisno od vremena i okolnosti sa manjim ili većim intenzitetom, ne prestaju plesti mrežu u kojoj bi Bošnjaci bili ponovo upleteni.

Jedinstvo Bošnjaka kao vrlina ovdje je smetnja, sposobnost opstajanja i praštanja ali ne više i zaboravljanja postaju iritirajući za one koji ne kriju, javno negiraju BiH, njen opstanak i budućnost, kočje njen napredak, nastojeći je učiniti nefunkcionalnom, uzimajući joj atribute države ili nedozvoljavajući da se isti uspostave ili razviju, što bi BiH omogućilo brži razvoj i uključivanje u tokove evropskih integracija.

U tom kontekstu i povratak Bošnjaka na stoljetna ognjišta upitan je u velikoj mjeri što je posljedica nastavka veliko-srpske ideologije i etničkog čišćenja Bošnjaka.

BOŠNJACI

Nedozvolimo ponovo nasjedanje na fraze o slobodi izražavanja pri čemu se plasiraju razne teze iz krugova kojima smeta bošnjačko jedinstvo, kojima je bosanstvo i muslimanstvo nešto što je prijem čivije od onoga što Bošnjaka čini BOŠNJAKOM.

Ne smijemo se gubiti naivnim parolama opšteg, što je potvrdila i praksa predhodnog sistema, od neopredjeljenosti do jugoslovenstva, a na kraju se sve u svojoj žestini sručilo na glave Bošnjaka.

Historijska je činjenica da i pioniri veliko-srpske ideologije i ideje Velike Srbije- Garašanina, već prije gotovo dva stoljeća priznaje da u Bosni i Hercegovini žive Bošnjaci - Srbi, Bošnjaci - Muslimani i Bošnjaci - Katolici.

Upravo danas ove činjenice i one druge zorno govore koliko puno i koliko dugo su Bošnjaci izmanipulirani u permanentnom nastojanju njihove eliminacije u različitim formama i navodnim reformama od ekonomskog uništenja do fizičkog istrebljenja.

Poznati su egzodusi Bošnjaka Hercegovine, Istočne Bosne, Krajine, Lijeve polja..., koji su prije posljednjeg egzodusa Bošnjaka činili više milionsku dijasporu.

Duboko svjesni svoje istorijske uloge na očuvanju BiH u okolnostima strahovite agresije na BiH i Bošnjake posebno, patrioti BiH izborili su ambijent u kome je ponovo vraćeno historijsko ime Bošnjak za sve one koji BiH osjećaju kao svoju domovinu.

Ne negirajući pravo da se svi izjašnjavaju kako hoće i osjećaju, isto tako, oštro negiramo pokušaje dezavuiranja Bošnjaka i njihovog identiteta. Raznim formama šupljih teza partija navodnog političkog centra kafanskih stratega navodnih kulturnjaka i slično pod krinkom slobode izbora, nenavodeći nijedan argument historijskog kontinuiteta bošnjačkog bića, borbe i žrtvovanja na putu vlastite opstojnosti i opstojnosti BiH.

Krvavo smo platili cijnu opstanka da bi ponovo nasjeli na tiho nestajanje.

BOŠNJACI

Ne dozvolimo da nam zamagljuju oči pred licem nešeg realiteta. Bošnjački identitet tj. nacionalna odrednica BOŠNJAK, naša je tekovina i ne smije niko da nam nameće ili potura nešto drugo. To smo ponovo izborili i to ćemo njegovati pruženih ruku prema svima koji nama i BiH žele dobro.

BOŠNJACI

Pozivamo vas!

Posebnu pozornost obratite na pitanja: 24, 25 i 26 koja se odnose na identifikaciju bošnjačkog identiteta.

Zbog budućnosti BiH i njenog prosperiteta, budućnosti naše djece i budućnosti njihove budućnosti, zbog BiH kao trajne kategorije ISLAMSKJE VJERE I JEZIKA BOSANSKOG, odgovori neizostavno i promišljeno:
NACIONALNOST - BOŠNJAK
VJEROISPOVIJEST - ISLAMSKA
JEZIK - BOSANSKI.

Neizostavno i promišljeno pristupite činu popisa stanovništva od 1. do 15. oktobra 2013. godine.

U NAŠEM ZAJEDNIČKOM INTERESU ZA NAŠU SADAŠNJOST I BUDUĆNOST, KAO I BUDUĆNOST NAŠIH GENERACIJA, OVAJ PROGLAS UPUĆUJE VAM "PATRIOTSKA LIGA" BOSNE I HERCEGOVINE KOJA JE PRVA STALA U ODBRANU SVOGA NARODA I SVOJE ZEMLJE I KOJA JE PRVA DALA SVOJE ŽRTVE U ODBRANI JEDINE NAM BOSNE I HERCEGOVINE. NAŠA PROLIVENA KRV OBAVEZA JE SVIH VAS GRAĐANA BOSNE I HERCEGOVINE – BOŠNJAKA KOJI OVIM IZJAŠNJAVANJEM NA POPISU ODAJU POŠTOVANJE I RAHMET SVIM POGINULIM U PROTEKLOM RATU.

Sarajevo, 06.08.2013. godine

BAJRAMSKA HUTBA REISU-L-ULEME

Sarajevo, 8. avgust 2013.godine - Centralna bajramska svečanost održana u Gazi Husrev-begovoj džamiji u Sarajevu.



Mr. Husein ef. Kavazović

Hvala Allahu.

Njemu se zahvaljujemo i od Njega pomoć i oprost tražimo. Njemu se utječemo od poroka i ružnih djela naših.

Svjedočimo da je samo Allah Bog i da je Muhammed Njegov rob i Njegov poslanik. On ga je, uistinu, poslao svjetovima da radosnu vijest donese i da opomene, prije nego što nastupi Sudnji dan. Allahovoj milosti se nadamo u

prvom danu ševvala 1434. hidžretske godine. U našoj domovini Bosni i Hercegovini i diljem svijeta danas obilježavamo početak Ramazanskog bajrama. Prvi je to dan nakon ramazana, u kojem smo ispunili mu'minsku obavezu posta, krunu svih ibadeta, i u kojem smo osjećali njegov bereket u dušama. Taj bereket je i ovog jutra u našim kućama, sokacima i haremima džamija. Bajram je ruho posta i šehri ramazana i njegova vrijednost je samo Allahu poznata. Nadamo se najboljem i nagradi koja nam je obećana. Naši tekbiri i naše dove, kao i dove miliona naše braće i sestara, ispunjavaju prostor oko Aršurahmana i odzvanjaju istom jekom: Bože, oprosti nam i budi nam milostiv na Sudnjem danu. Braćo i sestre.

Allah je dao da se tijelo vjernika odmara spavanjem, nakon posla kojim se izmori. Dao je i da duša sebi nađe oduška u ibadetu. Namaz, post, zekat, hadž i borba na Allahovom putu načini su njena predaha na putu Vječnoj kući i Gospodaru. Vjernik u ibadetskoj osami istovremeno motri i na dunjaluk i na Ahiret, tražeći: Gospodaru naš, daj nam ono što je dobro i na dunjaluku i na Ahiretu i sačuvaj nas od patnje u vatri. (al-Baqarah, 201)

Život muslimana ogleda se u čvrstini njegove vjere.

On je spreman da u svakom trenu očituje pokornost Stvoritelju i da Mu položi račun. To je svjesnost na koju Kur'an podsjeća Poslanika i mu'mine: Naređeno mi je da obožavam Allaha i da mu, čvrsto u vjeri, budem vjeran. I naređeno mi je da budem musliman prvi. (al-Zumar, 11-12)

Braćo i sestre.

Vjernik svoju pokornost Stvoritelju svjetova upotpunjuje u zajednici s drugim vjernicima. Oni zajedno čine čvrstu građevinu koja se jasno određuje riječju džema'at. Ta zajednica čini život lakšim i daje oslonac u nevolji i poteškoći. Ona se gradi, razvija i štiti; u nju se investira u blagostanju, kako bi se na nju moglo oslonuti u nevolji. Zajednica mora imati dom, u kome će stanovati i razvijati se narodni duh. Naš zajednički dom su škole i džamije, univerziteti i biblioteke, instituti i muzeji, pozorišta i ateljei. Tamo se kuje i tali ono što ostavljamo onima do kojih nam je stalo. Tamo je miraz našoj djeci.

Poslanik islama je kazao: Ko se ne stara za stanje muslimana nije od nas. (Muslim) Nikada se ni jedna zajednica nije održala bez spremnosti na žrtvu i odricanje svojih sinova i kćeri. Služenje islamu prvih muslimana divan je primjer povjerenja u Božije riječi: Allah je od vjernika kupio živote njihove i imetke njihove u zamjenu za dženet koji im je obećan. (al-Tawbah, 111)

Braćo i sestre.

U svim vremenima i kod svih naroda vjerski i moralni odgoj je bio sredstvo očuvanja zdravlja zajednice. Tako je i danas, kada su moralne vrijednosti narušene i kada nam valja našu zajednicu čuvati. Odgoj u našem svijetu ne može se zamisliti bez životnog primjera Muhammeda, alejhisselam koji je pečat i kruna poslanstva i koji je poslan svim svjetovima kao Allahova milost. Njegov vjerski i etički uzor pomiruje životne antagonizme, poziva na bogobožnost i lojalnost prema zajednici.

Pomozimo djetetu u našem vremenu da razvije ličnost koja će živjeti u zajednici s drugim ljudima,

pomirena s vrijednostima vjere i morala. Nemojmo našoj djeci otežavati put na kojem će graditi svoj islamski identitet. Izjava da je Bog jedan i da je Muhammed (a.s) Njegov poslanik neka bude dovoljna da se uđe u zajednicu muslimana. Nakon toga važno je razvijati solidarnost s ostalim članovima zajednice.

Braćo i sestre.

Allah kaže: Mi smo djeci Ademovoj dali njihovo dostojanstvo. (al-Isra, 70) Ovim ajetom smo zaduženi da se borimo i ulažemo svaki mogući trud protiv gaženja ljudskog dostojanstva, nepravde i nasilja. Muslimani su u povijesti bili poznati po borbi protiv onih koji ugrožavaju prava drugih: živote, imovinu, slobodu savjesti i vjere, mentalno zdravlje ljudi i njihovo dostojanstvo. Podsticaj za to su pronalazili u Allahovim riječima: Borite se protiv neprijatelja (slobode) sve dok smutnja ne prestane, a vjera u Allaha bude slobodna! A kada to postignete, nema neprijateljstva osim prema silnicima. (al-Baqarah, 193)

Da bismo sačuvali dostojanstvo, moramo se viteški suprostaviti nasilju i nepravdi, dolazili oni od strane pojedinaca, organiziranih siledžija ili nepravedne vlasti, jer Kur'an zagovara stalnu posvećenost dobročinstvu i čestitosti: Jedni drugima pomažite u dobročinstvu i čestitosti, a ne sudjelujte u grijehu i neprijateljstvu. (al-Maida, 2)

Sramotno je kako se danas muslimane ubija u Egiptu i Siriji. To su zločini koje najoštrije osuđujemo. Stradanje naše braće u tim zemljama mora prestati.

Braćo i sestre.

Svaka zajednica ima svoje ciljeve kojima stremi i za čije ostvarenje se trude njeni članovi. Mi želimo da živimo u miru sa sobom i s našim susjedima, na našoj zemlji, poštujući državu u kojoj su naši domovi. Bosna i Hercegovina je naša i domovina naših sugrađana. O zemlji valja brinuti, domovinu treba voljeti, a državu izgrađivati. Zbog toga smo osjetljivi na sve čime se ugrožavaju naša zemlja, narod i domovina.

Pred nama je popis stanovništva, važna zadaća koju treba da izvršimo kao obavezu prema zemlji i domovini.

Bosna je zemlja svojih naroda, koji imaju svoje ime, jezik, tradiciju i kulturu.

Naše narodno ime je Bošnjak, a naš jezik je bosanski.

Njime prenosimo i gradimo svoju kulturu i tradiciju.

Bošnjaci su ponosan i hrabar narod, plemenit i širokogrud, svjestan svoje samosvojnosti i svog identiteta.

Kao takvima, valja nam se upisati na listu naroda koji nastanjuju ovu zemlju. Učinimo to kao narod koji je svjestan sebe, svog jezika, svoje vjere, kulture i tradicije. To je naš dug prema zemlji i precima, koji su sačuvali njeno ime i naše trajanje u povijesti.

Milostivi Gospodaru,

Osnaži nas u našoj vjeri, moralu i zajedništvu;

Učini nas hrabrima da se suprostavimo svakom zlu i nasilju i budnim da bdijemo nad našom slobodom;

Učini nas snažnim da sačuvamo svoju zemlju i svoju domovinu;

Daruj nam mudrost da živimo u miru i slozi s našom braćom i komšijama, kao složna porodica i komšiluk;

Obraduj nas umijećem da popravljamo greške kada ih uvidimo i da ne istrajavamo u onome što je loše, što je grijeh i nepravda.

Neka su nam uvijek u našim dovama naši šehidi, koji su položili svoje živote za ovu divnu zemlju i časnu slobodu.

Budimo uz ljude u nevolji: slabe, siromašne i bolesne.

Zaštitimo našu nejač i pružimo podstreka i priliku mladima.

Sklapajmo prijateljstva gdje god možemo.

Zalažimo se za istinu kada god vidimo da se želi naturiti laž.

Izbjegavajmo svađe i prepirke o onome u čemu nema koristi, a u čemu je šteta očita.

Praštajmo jedni drugima, jer to učvršćuje veze među ljudima i narodima.

Braćo i sestre.

Sutra je Dan šehida. Pozivam vas da posjetimo njihove domove, šehitluke, i u zajedničkoj dovi se prisjetimo njihove žrtve.

Svima vam želim sretne i berićetne bajramske dane. Provedimo ih onako kako je to u našoj tradiciji: s porodicom, rodbinom i prijateljima.

Bajram šerif mubarek olsun!

AKTIVNOSTI "PATRIOTSKE LIGE" BOSNE I HERCEGOVINE U PRIPREMI ZA POPIS STANOVNIŠTVA 2013. GODINE.

Upravni odbor Saveza udruženja boraca "Patriotske lige" Bosne i Hercegovine je donio Odluku o aktivnostima učešća svih članova "Patriotske lige" Bosne i Hercegovine u pripremi i sprovođenju popisa stanovništva. Sve kantonalne organizacije su zadužene da sačine operativne planove aktivnosti svojih članova u vrijeme popisa stanovništva. Savez će organizovati instruktivni seminar za rukovodstva kantonalnih organizacija "Patriotske lige" o popisu i načinu izjašnjavanja građana. Savez je pripremio i izdat će specijalni bilten "Patriotske lige" o popisu i načinu stanovništva 2013 godine. Delegacije "Patriotske lige" Bosne i Hercegovine sa predsjednikom Avdom Hebibom učestvovala su na okruglim stolovima o popisu u Bosanskoj Krajini, Kotor Varoši, Bijelom Polju kod Mostara. Na ovim skupovima predsjednik "Patriotske lige" je govorio o značaju popisa stanovništva i načinu izjašnjavanja o nacionalnim pitanju, jeziku o vjeri. Predsjednik "Patriotske lige" Avdo Hebib je posjetio naše građane u Istri, i u gradovima Puli, Buzetu, Rovinju i Labinu govorio našim građanima o popisu i pozivao ih da dođu u Bosnu i Hercegovinu u vrijeme popisa od 1 do 15 oktobra 2013 godine. Takođe je predsjednik Avdo Hebib posjetio naše građane u Rijeci, gdje se na džuma namazu u Riječkoj džamiji obratio našim građanima i podijelio letke o popisu stanovništva. Najznačajnije aktivnosti u pripremi za popis stanovništva u okviru aktivnosti "Patriotske lige" imala je kantonalna organizacija Unsko-sanskog kantona, koja je organizirala i održala veoma uspješne skupove u Bihaću (dva skupa), u Bosanskoj Krupi, Velikoj Kladaši, Cazinu i Prijedoru, a u planu ima još okrugh stolova. U Hercegovačko-neretvanskoj organizaciji prilikom obilježavanja oslobođanja Mostara govorilo se na skupovima u Mostaru i Bijelom Polju. Na tradicionalnom susretu Gačana u Gacku je prilikom obilježavanja podizanja spomen obilježja-turbeta poginulim gačanima upućen poziv svim

Hercegovcima u zemlji i dijaspori da se aktivno odazovu popisu stanovništva. Prilikom obilježavanja dana općine Živinice i proglašavanja počasnih građana općine Živinice - (Miro Lazović i Avdo Hebib) u obraćanju na svečanoj sjednici općine, govorili smo o popisu i njegovom značaju, te pozvali sve građane da se izjasne kako treba - Bošnjacima koji govore svoj bosanski jezik i koji pripadaju islamskoj vjeri. U Zavidovićima je takođe održan veoma uspješan skup posvećen popisu stanovništva koji je organizirala "Patriotska liga" Zavidovića na čelu sa njenim predsjednikom Dervom Mušićem.

Srednjobosanski kanton

U Srednjobosanskom kantonu na Upravnom odboru, na osnovu aktivnosti iz općinskih udruženja, sumirana je aktivnost i akcenat dat upravo da se sva udruženja maksimalno uključe i podrže aktivnosti ostalih organa i institucija da se popis stanovništva sprovede u skladu sa Zakonom. Članovima "Patriotske lige" u općinskim udruženjima dat je zadatak da se u svakodnevnim kontaktima sa građanima objašnjavaju značaj popisa kao i modalitete kod izjašnjavanja sa posebnim osvrtom na pitanja pod brojem 24. o nacionalnosti, da se izjašnjavaju kao Bošnjak, kod pitanja 25. O vjeroispovijesti, izjasne kao vjernik islamske vjeroispovijesti, bez obzira dali je vjernik ili ne i da je njegov maternji jezik bosanski. Ovo će aktivnost trajati sve do okončanja popisa.

Kemal Balihodžić

Kanton Sarajevo

BOŠNJACI NA HISTORIJSKOM RASKRŠĆU

Na temelju zaključaka 15-te sjednice Upravnog odbora Saveza udruženja boraca "Patriotske lige" Bosne i Hercegovine održane 16.05.2013. godine na kojoj su razmatrani zadaci članstva i rukovodstva Saveza za predstojeći oktobarski popis, Upravni odbor Saveza udruženja boraca "Patriotska liga" Kantona Sarajevo odmah je pristupio konkretizaciji svih zadataka proisteklih ovim zaključkom. Uslijedila je sjednica Upravnog odbora na kojoj je dogovoreno da se članstvo u općinskim organizacijama aktivno uključi u sve aktivnosti popisa stanovništva i da tom zadatku se pristupi odgovorno, savjesno i patriotski. Organizovani su brojni sastanci u mjesnim odborima i općinskim organizacijama na kojima se građanima i članstvu govorilo o značaju predstojećeg popisa koji neće predstavljati tehničko pitanje i običan popis stanovništva, već da se ovaj proces isuviše politizira sa ciljem osporavanja nacionalnog, političkog i vjerskog identiteta Bošnjaka. Učinili smo napor da se u skoro svim popisnim komisijama lokalne samouprave, među instruktorima i popisivačima budu zastupljeni pripadnici našeg Saveza. Time ćemo u ovaj proces unijeti naš duh patriotizma, osvještenosti i političke zrelosti, te pomoći našim građanima, a posebno Bošnjacima, da ne upadaju u sve zamke i zablude koje im se podmeću, osporavajući njihov nacionalni i državotvorni identitet. U našem radu i djelovanju i svakodnevnoj komunikaciji sa članstvom i građanima posebno ističemo tri ključne odrednice oktobarskog popisa koje imaju podjednaku važnost:

Nacionalnost - Bošnjak

Vjeroispovijest - Islam

Jezik - Bosanski

Neshvatljivo je, da smo i danas dovedeni u situaciju da neznamo kojoj naciji pripadamo, jesmo li Bošnjaci ili ne. Ta dilema nam se i dalje podmeće. Zašto i zbog čega? U pitanju je nastavak rata i agresije. Smišljena višedecenijska strategija protagonista srpske nacionalističke politike i njenih projekata, da Bošnjaka na ovim prostorima bude što manje. Produkt takve politike je i izvršena agresija na našu zemlju. Danas, razni ideolozi, kvazi intelektualci, političari i nacionalisti ponovo nam podmeću navodni internacionalizam, bosanstvo kao pripadnost bosanskoj naciji, što je oznaka pripadnosti državi, a ne naciji. Potrebno je i sada Bošnjake zbuniti i dovesti ih u dilemu, dali su Bošnjaci ili ne. Cilj je brojno ih reducirati i oslabiti bošnjački nacionalni korpus i njegov nacionalni identitet. U sadašnjim političkim okolnostima, Bošnjaci mogu biti Bošnjaci. Izjasniti se kao Bošnjak, znači sačuvati svoj narod i svoju državu. To nije samo individualni čin. Neizjasniti se kao Bošnjak znači izdati samog sebe, odreći se prošlosti i ostati bez budućnosti. Protagonisti i ideolozi srpske nacionalističke politike brutalno nasrću i negiraju bosanski jezik. Za njih bosanski jezik ne postoji. Time se direktno i vrlo drsko atakuje na bošnjački identitet i uskraćuju ustavna prava i slobode bošnjačkog naroda. Čine to jer dobro znaju, da je jezik snažna odrednica jednog naroda koja određuje njegov identitet i pravo na zemlju u kojoj živi. Nadalje, u segmentu vjeroispovijesti treba izbjeći zamke poistovjećivanja nacionalnog i vjerskog, tj. pripadnosti bošnjačkoj naciji i vjeri islamu. To je pogrešan pristup, jer ima Bošnjaka koji nisu vjernici. Patrioti ove zemlje su u sudbonosnim danima njenog opstanka kako stoji u našem Proglasu, izborili i ponovo vratili historijsko ime Bošnjak. To ime nam niko nemože oduzeti. Nas se nemože prevariti. Nismo prevareni ni prije 20 godina. Svjesni smo da predstojeći popis određuje budućnost Bosne i Hercegovine i njenih naroda. Rukovodstvo Saveza Udruženja boraca "PL" Kantona Sarajevo u intenzivnim pripremama organizovanja javne tribine na kojoj će o značaju predstojećeg popisa istaknuti predstavnici bošnjačkih nacionalnih institucija.



Ona će značiti naš dodatni napor da se naše članstvo i građani pozovu da obavezno pristupe činu popisa i slobodno izraze svoju pripadnost Bošnjačkoj naciji, Islamskoj vjeroispovijesti i svom Bosanskom jeziku kojim govore.

P R E D S J E D N I K
Ssveza UB. "PL"
Kantona Sarajevo
KADRIJA ŠKRIJELJ

Ovo su samo neke od aktivnosti koje "Patriotska liga" Bosne i Hercegovine realizuje u vremenu priprema za popis, a u toku popisa svi članovi "Patriotske lige" bit će na raspolaganju i popisnim Komisijama i našim građanima u pružanju pomoći prilikom popisa.

P R E D S J E D N I K
"Patriotske lige"
Bosne i Hercegovine
Avdo Hebib

Sadržaj:

Riječ predsjednika.....	2-3
Popisni obrazac.....	4-5
Proglas Patriotske lige BiH.....	6-10
Bajramska hutba reisu-l-uleme.....	11-15
Aktivnosti PL BiH u pripremi za popis stanovništva.....	16-20